

դքն, և յափշտակեալ 'ի ձեռաց Գրիգորի զԱւետարանն հարին զդետնի, և աղմկեալ ընդ իրեարս կաքէին և աղապակէին, և եղև շիտթ և խռովութիւն մեծ, և խանգարեցաւ հանդէսն 'ի տրտմութիւն բազմութիւ ուխտաւորաց. և մեկնեալ անտի գնացին 'ի վանս Ս. Յակոբայ, եւ զինի աւուրց ամբաստան եղեն միաբանք Հայոց առ դատաւորն զՓոխանորդէն և զմիաբանութենէ Յունաց, որոց առիթ լեալ էր այնպիսի անպատեհ խռովութեան: Կոչեաց դատաւորն զգլխաւորս երկուց աղգաց. Հայք պատմեցին զոր միանգամ արարեալ էին Յոյնք 'ի տաճարի անդ, և խափանեալ զհանդէսն: Եհարց դատաւորն ցփոխանորդն Յունաց, թէ որով համարձակութեամբ արարիք զայն. ետ պատասխանի և ասէ՝ այո՛, արարեալ եմք զայն ամենայն, որպէս պատմեցին Հայք, զի չէր նոցա սովորութիւն ընթեռնուլ զԱւետարան 'ի տեղեով յայնմիկ: Առ այս ետուն պատասխանի Հայք, թէ ոչ է այս նոր ինչ, այլ մին 'ի վաղեմի սովորութեանց մերոց, զոր գիտեն ամենայն այլազգիք քաղաքիս, և դռնապանք տաճարին, որք տեսանեն եւ գիտեն գտովորութիւնս Հայոց զորս կատարեն 'ի չրջանի տարւոյն: Իսկ դատաւորն առաքեաց զնոսս հանդերձ այլազգօք 'ի Ս. Յարութիւն քննել անդ զեղեալսն: Եւ նոցա գնացեալ կոչեցին զդռնապանսն և զայլս յերեւելեաց՝ որոց տեղեակ էին սովորութեանց քրիստոնէից. ժողովեցան անդ և միաբանք երկց աղգաց: Հարցին ցայլազգիսն՝ և նոքա ետուն պատասխանի, Հայք 'ի նմին աւուր կատարեն զԹափօրն և ընթեռնուն զԱւետարանն 'ի դուռն Գերեզմանին Քրիստոսի, և զայլ սաշտամունս, ըստ վաղեմի սովորութեան իւրեանց առանց ընդդիմանալոյ ումեք, եւ նոցա դարձեալ առ դատաւորն՝ պատմեցին զիրսն. և նա պատուիրեաց փոխանորդին եւ միաբանացն Յունաց՝ Հակառակիլ Հայոց սակս սաշտամանց նոցին. 'ի ՎՎ Բէպիլ ախր ամսոյ՝ ՎՊԶ (1683):

Եւ իբրեւ ոչ կարացին վճարել զդատս իւրեանց՝ Պատրիարքն Յունաց և Մարտիրոս վարդապետ, գնացին երկոքեան եւս յԱդրիանուպօլիս յատեան Եպարքոսին, եւ անդ արդարացուցեալ Յոյն Պատրիարքին զդատաստան իւր, զօրացաւ 'ի վերայ Մարտիրոսի և կամէր վրէժս առ-